



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

Komisija za finansije i budžet

Broj: 01/4-011-1787/03

Sarajevo, 9.3.2004. godine.

Z A P I S N I K

**14. sjednice Komisije za finansije i budžet Predstavničkog doma
Parlamentarne skupštine Bosne i Hercegovine,
održane 11.2. 2004. godine**

Sjednica je počela u 10,00 sati.

Sjednici su prisustvovali:

- Nikola Kragulj, predsjedavajući Komisije,
- Filip Andrić, prvi zamjenik predsjedavajućeg Komisije,
- Fatima Leho, drugi zamjenik predsjedavajućeg Komisije,
- Ljiljana Milićević, član Komisije,
- Hazim Felić, član Komisije,
- Beriz Belkić, član Komisije,
- Dr. Zlatko Lagumdžija, član Komisije.

Odsutan su bili članovi Komisije: Abdulah Nakaš, dr. Zlatko Lagumdžija i Mirko Blagojević.

Od gostiju sjednici su prisustvovali: Ivan Miletić, Generalni revizor finansijskog poslovanja institucija Bosne i Hercegovine i njegovi zamjenici: Samir Mušović i Dragan Kulina.

Za sjednicu je predložen i jednoglasno usvojen sljedeći

D n e v n i r e d

- 01. Usvajanje zapisnika 13. sjednice Komisije,**
- 02. Informiranje o revizijskim izvještajima budžetskih korisnika za 2002. godinu,**
- 03. Tekuća pitanja.**

Ad 01. **Usvajanje zapisnika 13. sjednice Komisije**

Predsjedavajući Komisije Nikola Kragulj predložio je raspravu o zapisniku s 13. sjednice Komisije. Poslanik Beriz Belkić predložio je da se u zapisnik 13. sjednice u

tački 2. umjesto riječi “kretanja” stave riječi “dosadašnje procedure”. Primjedba Beriza Belkića je prihvaćena.

Nakon toga, članovi Komisije jednoglasno su usvojili zapisnik 13. sjednice Komisije, uz primjedbu Beriza Belkića.

Ad 02. Informiranje o revizijskim izvještajima budžetskih korisnika za 2002. godinu,

Predsjedavajući Komisije je u uvodu za ovu tačku dnevnog reda podsjetio prisutne o ranije preuzetim obavezama članova Komisije na sagledavanju revizijskog izvještaja budžetskih korisnika. On je podsjetio na zaduženja sa 10. sjednice i dug period priprema pojedinačnih izvještaja, te predložio da se odredi kalendar aktivnosti. Ukazao je na prisustvo glavnog revizora i njegovih zamjenika, te predložio raspravu o ovoj tački.

U dugoj i sveobuhvatnoj raspravi učestvovali su prisutni članovi Komisije kao i gosti.

Gđa Ljiljana Milićević je tražila brži rad na ovoj problematici, te je predložila da se u kratkom roku Komisija izjasni o ovom Izvještaju.

G. Filip Andrić je takođe nezadovoljan što predmet revizionih izvještaja za 2002. godinu nije završen, što se kasni i predlaže u što kraćem roku da se Komisija o njemu očituje.

G. Beriz Belkić je podržao potrebu brzog analiziranja Izvještaja, ali se založio za ozbiljniji pristup ovoj problematici. Kako je svrha revizije prevencija nezakonitog trošenja sredstava, tada je i naša obaveza da damo svoje mišljenje i izvještaj o njoj u što kraćem roku. Istakao je da će svoj izvještaj završiti za nekoliko dana. Ujedno je predložio da se od Ureda za reviziju zatraži obavještenje o uočenim nepravilnostima i trendovima u odnosu na nalaze iz izvještaja za 2002. godinu. On je dodao da se ovaj važni posao može obaviti samo ako postoji komunikacija između ove komisije i revizora. Predložio je da Centralna banka BiH, koja je van revizije koju vrše ovlašteni revizori BiH, treba biti u sistemu revizije.

G. Hazim Felić je podržao g. Belkića ističući potrebu bržeg rada na pojedinačnim izvještajima. On smatra da je neophodno kontaktirati institucije BiH, organizacije koje su predmet kontrole i provjeriti kakav je njihov stav po pitanju ranijeg izvještaja.

Generalni revizor, Mr. Sc. Ivan Miletić je govorio o izvještaju za 2002. godinu. Izrazio je žaljenje što o njemu Komisija nije donijela svoje očitovanje.

Njegov zamjenik, Mušović Samir je u obraćanju istakao značaj revizije i potrebu da se po revizionim izvještajima postupi od strane nadležnih organa. U tom kontekstu, bilo bi dobro da komisija zatraži od Vijeća ministara ili od nadležnih sudova pismeni odgovor, kakoi koliko izvještaji doprinose pravilnijem korištenju državnih sredstava.

Prof. dr. Zlatko Lagumdžija je ukazao na kontinuitet revizionih izvještaja, pa se pitao da li je neki od nadležnih organa reagirao po izvještajima. Smatra da su revizioni izvještaji trebali pobuditi određenu aktivnost državnih organa, ali nema povratnu

informaciju o tome. On smatra da će svaki od članova Komisije savjesno obaviti traženu obavezu u vezi izvještaja za 2002. godinu. On lično je u 2002. godini bio predsjedavajući Vijeća ministara pa neće raditi nijedan izvještaj za 2002. godinu, ali će s zadovoljstvom raditi analizu kada dođe Izvještaj za 2003. godinu.

Govoreći o funkciji revizora u sistemu kontrole rada državnih institucija, g. Lagumdžija je istakao postojanje dobre informacione strane revizije, ali je iskazao zahtjev da se izvještaji implementiraju.

G-đa Leho nije prihvatila diskusiju g. Lagumdžije za oslobađanje članova Komisije od zaduženja. Ona je ukazala na ranije donesene zaključke u vezi Zakona o javnim nabavkama, informacione sisteme (i interne kontrole) te institut vršioca dužnosti (v.d.). Ujedno se pita šta je s povratnim informacijama o tome i koliko su ti zaključci pomogli u otklanjanju nedostataka. Ona je ukazala na poseban položaj Centralne banke BiH u sistemu revizije, kao i u sistemu sticanja i trošenja neophodnih sredstava. Predložila je da se obavi razgovor sa guvernerom Centralne banke, te da se raspravlja o svim pitanjima funkcioniranja Banke.

Predsjedavajući Komisije je na kraju sumirao rezultate rasprave te predložio zaključke koji su jednoglasno prihvaćeni. **To su slijedeći zaključci:**

- **rad na revizijskim izvještajima za 2002. godinu treba u ovoj komsiji okončati u roku od 15 dana,**
- **svi zaduženi članovi Komsije trebaju dogovrene izvještaje da prouče i da sačine svoje mišljenje o njima,**
- **treba tražiti od Ureda za reviziju finansijskog poslovanja institucija BiH obavještenje o uočenim nepravilnostima i trendovima u odnosu na nalaze iz 2002. godine, kako bi ih članovi Komisije koristili za izvještaje iz 2002. godine,**
- **od institucija BiH koje su predmet revizijske kontrole zatražiti informaciju ili izjašnjenje šta su učinili po nalazima i preporukama pomenutog izvještaja,**
- **Zakazati i realizirati posjetu Centralnoj banci BiH u vezi otklanjanja određenih prepreka u zajedničkom radu i suradnji.**

Ad 03. Tekuća pitanja

O ovoj tački dnevnog reda nije bilo rasprave niti zaključaka.

Po okončanju ove tačke dnevnog reda, završena je i sjednica Komisije. Sjednica je završena u 11,25 sati.

Sekretar Komisije

dr. Zijad Hasić

Predsjedavajući Komisije

Nikola Kragulj s.r.